

BOSNA I HERCEGOVINA
Federacija Bosne i Hercegovine
Kanton Središnja Bosna/Srednjobosanski kanton

KANTONALNI SUD NOVI TRAVNIK
BROJ: 006-0-Su-06-001 527
Datum: 21.12.2006. godine

Saopćenje za javnost

Na poziv predsjednice Kantonalnog suda Novi Travnik, g-đe Katice Jozak Mađar, danas je u Kantonalnom sudu Novi Travnik održan radno-konsultativni sastanak na temu:

„Kaznena politika sudova u KSB/SBK“

Povod za ovaj sastanak bila je Međunarodna konferencija regulatornih pravosudnih institucija „Samoregulativa u pravosuđu - Status i izazovi“, održana u Sarajevu 27. i 28.11.2006. godine, koja je između ostalog, imala i temu: „Kaznena politika u BiH“.

Sastanku su nazočili svi pozvani predstavnici institucija: predstavnicu OSCE-a, Regionalnog centra Sarajevo g-đa Vera Bjelogrić, OSCE-a, Terenskog ureda u Travniku g-đa Emina Zametica, g-đa Lejla Kablar-Sarajlić ispred Monitoring tima OSCE-a Sarajevo, Glavni Kantonalni tužitelj KSB/SBK gosp. Senad Dautović, predsjednici Općinskih sudova Travnik, gosp. Goran Dujčić, Bugojno-g-đa Katica Soldo i Kiseljak-g-đa Božana Banduka, predsjednici i suci kaznenih odjeljenja Kantonalnog suda Novi Travnik, Općinskih sudova Travnik, Bugojno i Kiseljak, te odvjetnici Stana Imamović i Sead Agić ispred Regionalne odvjetničke komore za ZE-DO i KSB/SBK.

Na sastanku su učesnici razmjenili relevantne informacije po pitanju kaznene politike sudova ovoga Kantona (je li blaga ili ne), i utjecaj iste na stanje kriminaliteta na području Kantona.

Zaključeno je da su prvenstveno sudovi, a i tužiteljstva, kreatori i sukreatori kaznene politike i da trebaju stalno raditi na ujednačavanju kaznene politike, kao izraz potrebe za jednakošću svih građana pred zakonom.

U postupku odmjerenja kazne sukladno odredbama Zakona, a kako bi se postigla svrha kaznenih sankcija (preventivni utjecaj na druge da poštuju pravni poredak i ne počine kaznena djela; sprječavanje počinitelja da počini kaznena djela i poticanje njegovog preodgoja), odnosno svrha kažnjavanja (da se izrazi društvena osuda počinjenog kaznenog djela; da se utječe na počinitelja da ubuduće ne počini kaznena djela; da se utječe na ostale da ne počine kaznena djela i da se utiče na svijest građana o pogibeljnosti kaznenih djela i o pravednosti kažnjavanja počinitelja), **kaznena politika treba da bude adekvatna i pravedna.**

Glavni kantonalni tužitelj KSB/SBK, gosp. Senad Dautović, izjavio je da od sudova traži pooštavanje kaznene politike, kao jedan od načina da se smanji kriminal na području našega Kantona i spriječe potencijalni počinitelji da ubuduće vrše kaznena djela.

PREDSJEDNICA SUDA
Katica Jozak-Mađar